



Nuuk ulloq 30. juuli - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut apeqqutit:**

- 1. Qaqugu Naalackersuisut pilersaarutigaaq timmisartuussinerup iluani kiffartuussinermut isumaqatigiinniarnert aallartissallugit?**
- 2. Suut allannguutit takuneqassappat Qeqertarsuup Tunuani aamma Kujataani?**
- 3. Periutsit suut Naalackersuisut atorniarpaat kingullermik kiffartuussinermut isumaqatigiissutit pillugit isumaqatigiinniarnert ingerlanngat nalilersorneqalerpat kiisalu kiffartuussinermut isumaqatigiissutit atorlugit piffissap siuliani innuttaasunik kiffartuussisimaneq nalilersorneqalerpat?**
- 4. Ataatsimut isigalugu kiffartuussinermut isumaqatigiissutinut pisortat qanoq tapiissuteqassappat? Tassa imaappoq ukiut tallimat ingerlanerini kiffartuussinermut isumaqatigiissutit qanoq akeqassappat, ilanngullugit nutaanik timmisartusinissaq aamma nutaanik helikopterisinissaq - ataatsimoortillugit - ukiut tallimat ingerlanerini (imaluunniit ukiut tallimakkaarlugit agguarlugit ukiuni kingullerni 40-ni aningaasartuutaasarsimasut) ilanngaatigalugit isertitat aamma aningaasartuutit Mittarfeqarfinnut il.il. Naleqquppat imaatigut angallanneq pillugu kiffartuussinermut isumaqatigiissutit assersuusiareqquneqarput aamma.**
- 5. Eqqarsaatigineqarluni namminersortut neqerooqataatinneqarnissaat kiffartuussinermut isumaqatigiissuteqarfiit immikkoortut ilaat eqqarsaatigalugit, allatut periarfissatut, taamaasilluni namminersorlutik inuutissarsiortut uummassaavigineqarsinnaaqqullugit, kiffartuussinermut isumaqatigiissutit nutaat eqqarsaatigalugit, soorlu imaatigut angallannikkut?**
- 6. Eqqarsaatigineqarsimanerluni ullumimut naleqqiullugu aallanngitsoornermut sillimasiinerit pitsaanerumik atorneqalersinnaanissaat aamma sumiiffinni kiffartuussinermut isumaqatigiissutit aqqutigalugit angallaviusuni pitsaanerumik paasisutissiisoqartarnissaa qularnaarneqassamaarpa taamaasilluni angalasussat ingerlaqqinnissaminut isumalluarnerannut naleqquttunngorlugu?**
- 7. Nunatsinni angallassinermi kiffartuussinermut isumaqatigiissuteqarnissaq pillugu neqeroornermi suut pingaartinneqarpat, tassa imaatigut silaannakkullu angallassineq eqqarsaatigalugu aamma taakku sumi nassaarineqarsinnaappat?**

(Inatsisartunut ilaasorta, Tillie Martinussen, Suleqatigiissitsisut)

**Tungavilersuut:**

Isertorneqarsinnaanngilaq kingullermik kiffartuussinermut isumaqatigiissutit isumaqatigiinniutigineqarnerat ilungersunarsimammat. Ajortumillumi inerneqarput, innuttaasut ilaat eqqarsaatigalugit.

Akia immaqqa appasitsinneqarpoq kisianni kialluunniit Kalaallit Nunaata avannaani Kujataaniluunniit angalasimasup misiginikuuaa ilaasunik angallassineq aporfissaqangaatsiarnikuusoq kiisalu angalanerup ingerlanerani kinguaattoortarnerit aningaasartuuterpaalussuarnik nassataqartarsimasut, angallavik angalatitseqatigiiffinit marlunnit isumagineqarsimatillugu, taakkuli tamarmik kiffartuussinermut isumaqatigiissutinik akilerneqarput, takornarianut aammaluni nunami maani innuttaasunut



SULEQATIGIISITSISUT  
SAMARBEJDSPARTIET

paasiuminaassinnaasumik.

Nunami takornariaqarnermik isumalluuteqarusuttumi kiffartuussineq ajorluinnartutut oqaatigisariaqarpoq timmisartumik umiarsuarmillu angallanneqassatilluni kinguaattoortoqartariaqarsimappat, naak angalaneq ataqatigiissumik ingerlaniartussaagaluartoq. Peqataanik angalasut sumiiffiinni ilaannut kanngissagaluarpata ingerlaqqinnissartillu qularnaarusuppassuk sillimmasiinerit suut atorneqarsinnaanersut annerusumik paasissutissiisoqarneq ajorpoq - taamaattumik angalasunut ingerlaqqinngitsooriataartartunut immikkut aningaasartuutaangaatsiarsinnaasarpoq ingerlaqqinnissaq.

Misigisaq tamanna uggornartaqaaq takornariaagaanni namminerluunniit nunagisami angalasuugaanni.

Angallannerup aaqqissuussaanera akisoorujussooreerpoq aamma mittarfinnut nutaanut aningaasartuuteqarnissaq eqqarsaatigalugu taamatullu kiffartuussinermut isumaqatigiissutit ataatsimut isigalugit ajornerat eqqarsaatigalugu billit akigilerumaagassaat isumalluarnanngitsorujussuupput, tamanna piffissaagallartillugu eqqumaffiginngikkutsigu.

Taamaattumik maannagaat apeqqutikka apeqqutigaakka.

Taamatuttaaq aamma uangutsinnut paasiuminaappoq angalatitseqatigiiffiit namminersortut periarfissatut allatut isigineqanngimmata, tamannali sulitugineqalersinnaavoq aamma atortussanik namminersortut pajuttalernerisigut oqaluttuullugit suut sapinngittariaqarneraat, angalatitseqatigiiffinnut annernut unammillerniassagunik.

Uangut takusinnaasarpud naapertorlugu siunissami angallassisarnerup eqqaannerusumik pisalernissaanut ataqatigiissumik pilersaaruteqarnissaq amingaataavoq, pitsaasumik nutaamillu periuseqarluni aamma kinguaattoortarnerit allallu eqqarsaatigereerlugit. Misissuisoqarnerluni, Naalackersuisut nalilersuinissaminnut sakkussanik peqareerpat imaluunniit aningaasanut agguaariaatsimik peqarpa misilittakkanik, pingaarnersiuisarnernik allanillu tunngaveqartunik, innuttaasut Inatsisartullu paasisariaqangaannik taamaassimappat Naalackersuisut taakkununga innersusseqquneqarput.

Apeqqutit akeqquneqarput ullut qulit iluanni.

Mvh.

Tillie Martinussen

Samarbejdspartiet – Suleqatigiissitsisut

---